

Kisitsisaataasivimmi aalisarnermut naatsorsuutit nutaat

Kisitsisit nutaat aalisarnermut tunngasut, aalisariuteqatigiikkaanut aalisarfikkaarlugillu immikkoorsitat 2020-mi ukiup affaa siulleq

Kalaallit Nunaanni Naatsorsueqqissaartarfik aalisarnermut naatsorsuutininik tabelinik nutaanik upernaq 2020 saqqummersitsivoq. Tabelit nutaat tassaapput aalisarnermi pisat qaammatit pingasukkaarlugit agguakkat, avataasior-tunut sinerissallu qanittuani aalisartunik, angallateqatigiikkuutaarlugit sumilu aalisarfinnut agguarlugit saqqummersitat.

Saqqummermata ilimasaarutigineqarpoq qaammatit pingasukkaarlugit kisitsisit nutaat saqqummersinneqartalissasut. Ajoraluartumik kisitsisit atorsimasavut kukkuneqarsimmata 2020-mi qaammatit siulliit pingasut kisitsisitaat saqqummersinneqanngitsoorput, maannalu 2020-mi ukiup affaani siullermi saqqummerlutik.

Paasissutissat saqqummersitavut takussutissiipput aalisariuteqatigiikkuutaat sorliit atorlugit aalisakkat sorliit imartanilu sorlerni pisarineqartarnersut.

Maanna paasissutissat 2012-imiit ulloq manna tikillugu kukkunerisiorneqareersimalerput, maluginiaquarpulli 2018-imiit ukiullu tulliuttut kisitsigaagallartuummata.

Aalisariutit aalisariuteqatigiikkuutaannut makkununga pingasunut agguar-neqarput:

- Kilisaatit (Avataasiorlutik aalisartut, uiluinniutit nunamillu qanittumi kinguppanniutit)
- Aalisariutit (nunami qanittumi aalisariutit 6 meteriniit anginerusut)
- Umiatsiat (Umiatsiat, qimussit, qamuteralaat ATV-it assigisaallu.)

Paasissutissat tonsiupput, igitat tunineqarsinnaanngittullu ilanngullugit. Tunisinermi avataasiorlunilu aalisarnermi paasissutissani allaassutigaat aalisakkat taamaallaat ”tunineqarsinnaasut” pineqartarmata.

Imartat aalisarfiusut takussutissiaapput Kalaallit Nunaata eqqaani imartanilu allani aalisarfiusut aalisakkanillu sunik pisaqarfiusarnersut. Aammattaq

nunat allat aalisariutaasa Kalaallit Nunaata eqqaani imartani sorlerni aalisakkanillu sorlernik pisaqarnersut paasissutissiipput.

Najoqqutat aamma periaaseq

Nalinginnaasumik *Aalisarneq pillugu inatsisartut inatsisaat nr. 18, 31. oktober 1996-imeersoq* taakkulu nalunaarutitaat atuupput. Paasissutissat KANUAANA-mut nassiussorneqartut Naatsorsueqqissaartarfiup atortarpai.

Annertussutsit tonsinut uuttugaapput. Aningaasanngorlugit nalingi ilanngunneqanngillat, tulaassinermut kisitsisitigut paasissutissiani aamma avammut tunisinermut paasissutissani avataasiorluni pisat avataani suliareriikkani suliarineqarnikummata.


Annertussutsinut ilaapput pisat tamarmik, taakkununga ilaallutik igitassat aamma atorsinnaanngitsut. Tulaassat aamma avataasiorluni pisat pillugit kisitsisitigut paasissutissani aamma avataasiorluni pisanit avataani suliareriikkani avammut tunisinermut kisitsisitigut paasissutissani taakku ilanngillat.

Saqqummersitami uani pisat tamakkeneri aalisarneq pillugu kisitsisitigut paasissutissani saqqummersitanut allanut sanilliullugit assigiinngissinnaapput, paasissutissanik aallerfiit najoqqutaat assigiinngilaarsinnaaneri tamatumunga pissutaavoq. Assersuutigalugu tulaassanut kisitsisitigut paasissutissat taamaallaat tulaassanut tunngassuteqarput, taakkulu saqqummersitami uani atorineqanngillat, maanna saqqummersitami taamaallaat atorineqarmata pisassiissutinut paasissutissanut tunngasut.

Aalisariutinut nassuiaassutitut aallaavigineqarput piginnittut tunngavigalugit. Piginnittut amerlanerpaat ataatsimik aalisariuteqarput, kisianni aamma amerlasuut allariinnik assigiinngitsunik angissusilinnik aalisariuteqarput. Piginnittoq arlariinnik assigiinngitsunik angissusilinnik angallataateqaraangat angallatit ataasiakkaarlugit nalunaarsorneqartarput.

Piffissap ingerlanerani piginnittut nikerarsinnaasarput. Umiatsiaaqqamik angallataatilik aalisariummik anginerusumik imaluunniit avataasiortumik pigisamik taarsiilluni pisaarsinnaavoq. Piffissap ingerlanerani piginnittup pisai angallataanut angineranut nuunneqartarput. Umiatsiaaqqat assigisaallu tamarmik aalisariutinit atorineqarsimasut tamarmik aalisariutitut nalunaarsorneqarput.

Assersuut takutitassiaq qaleralittat kilisaatinut, aalisariutinut umiatsianullu immikkoorsillugit, ukiup affakkaartumik pisat



Najoqqut: Naatsorsueqqissaartarfik – kisitsisaataasivimmi kisitsisit takukkit <http://bank.stat.gl/FIN010>

Kisitsisit kisitsisaataasivimmi uani pissarisiarisinnaavatit:
<http://bank.stat.gl/FIN010>.

Allanik immikkut paaserusutaqarusukkuit allaffimmi pisortaq Lars Geraae oqarasuaat toqqaanartoq 34 57 87 atorlugu attavigineqarsinnaavoq.

Ilisarnaatinut nassuiaatit
... Paasisutissat pigineqanngillat
.. Paasisutissat tatiginanngitsut ilisarinnilersitsisinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffiginniffissaq
Lars Geraae
E-mail: Lage@stat.gl

Tusagassiutinut nalunaarut

Kalaallit Nunaanni Naatsorsueqqissaartarfik
Postboks 1025 · 3900 Nuuk
Oqar.: +299 34 57 70 · Fax: +299 34 57 90
www.stat.gl · e-mail: stat@stat.gl